



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis


Meglinger, Joseph

[S.l.], Anno MDCLXXXIII.

11. Decembris. 3. Idus.

urn:nbn:de:hbz:466:1-45314

bene ei complacet in te, si tamen nec honesta conversationis decor, nec bona opinionis fragrantia, nec intentio desit futura retributionis: fructus enim spiritus est vita aeterna.



II. Decembris. 3. Idus.

B. DAVID, Monache Hemmenrodensis: quem Florentia Clarævalli, & hæc Monasterio Hemmenrodensi dedit. Relictis profanarum literarum studiis fortiori animo quàm corpore tyrocinium ingressus, ob indolis tenebritudinem à Priore Clarævallis dimissus. *Obijt anno 1179.*
 es. Cùm verò ex itinere reversus, mellisuius Abbas te ad Monasterii fores jam per aliquot dies supplicem offensus. Cùm verò ex itinere reversus, de futura sanctimonia tua coelitus instructus, amantissimè susceptum ad emittenda Vota admisit: ac brevè post cum aliis colonis ad construendam Hemmenroden dimisit. *Dirè se affligit.*
 Omnibus pro miraculo erant afflictationes, quibus tum robustiorum fervorem, tum planè vires humanas superabas. Non impar prodigium fuit precum tuarum efficacia, quibus omnia poteras: quod eo tempore mani-

*Multa
precib⁹
impe-
trat.*

festum fuit, quo Fridericus Imp. minaces ad vos literas misit, monachis exilium, aut veri Pontificis abjurati-
nem imperantes. Jámque collectis sarcinulis abituros bono animo esse jussisti, & alteram diem expectare. Nocte illa inter vigiles preces transacta, alius statim nuncius supervenit, per quem tyrannus non solum ab indicta pœna liberos dixit, sed & se solumque Imperium tuis orationibus commendavit. Eandem precum tuarum vim sensit tartareus hostis, quem

*Prodi-
gia pa-
trat.*

à possessione iniqua multorum corporum dejecisti. Felicius experti sunt in morborum ærumnis non pauci, quibus emendationem vitæ prius promittentibus sospitatem reddidisti. Quin & vestimentorum tuorum fragmentis tibi pio furto subtractis utebantur pro certissima medicina etiam longè distanti.

*Solem
intue-
tur, o-
culis
illæsis.*

Horum prodigiorum maximè admirandum fuit, quod defixi aquilarum more in solem intuitu oculi nihil læderentur, cum tamen per aliquot subinde horas contemplatione rerum cœlestium absorptus, radians illud sidus aspiceres. Lacrymas tamen copiosas ciebat ille splendor, dum nempe gravissima mundi crimina, quibus Divina Bonitas à sceleratis offenditur,
ibi de-

ibi descripta cernebas. Recreabar̄is vicissim, jucunda visione cœlestium gaudiorum: ad quæ tandem meritis & annis plenus die & hora à te prædictis evolâsti. Sacrum funerale pro te oblaturo cuidam suasisti, ut pro se DEUM precaretur, te enim eo loco esse, ubi mortalium precibus non egeas. Tantus autem prodigiorum numerus quotidie ad sepulchrum tuum fiebat, ut ad satiandam vulgi pietatem, ne quies solita turbaretur, corpus è claustro in exteriorem Ecclesiam fuerit transferendum. *Sentiam & ego vim tuarum precum: impetra mihi à Deo virtutes illas, quibus tu in hac vita abundabas, mihi que ad consequendam felicem mortem sunt necessariae. Expugna impugnantes me pessimos hostes mundum, carnem & demonem, ne mihi morienti prædominentur.*

B. I D A de Rameya: quæ Nivellis in Brabantia è mediocri fortunæ parentibus orta, mirabili morum simplicitate ad cœm placueras intuitibus, ut in quoddam futuræ sanctimonie vaticinium adhuc infantulam passim te appellarent Monialem Teutonicam. Parentibus orbata rudimentum virtutum in paupertate posuisti, famulata quibusdam piè congregatis Virgibus, quas

Miracula post mortem

Obijt anno 1231.

T t s

bus, quas

bus; quas emendicato per vicos victu aliquot annis penè sola sustentasti. Solitudinis inde & custoditæ devotionis avida advenientibus è Germania Mortialibus juncta es, qui tuâ maximè operâ Monasterium Rameyense construxerunt. Quo opere ad finem mi-

*Orando
obtinet,
quid
quid
petit.*

ra celeritate perducto, non tam cel- lam, quàm cœlum habitabas, pennis orationis ad intima cœli secreta evolans: neque ullam patiebaris repulsam, sive quis ab ægritudine animi & corporis, sive gementes in flammis piacularibus animas liberari rogaret. In- solitam aliquando lætitiâ vultu præferebas; cujus causam cum cuidam moniali secretè aperuisses, intra pau- cos nimirum dies te ad Sponsi nuptias

*Alii vi-
sa pro-
longa-
tur.*

evocandam asserens: tanta maestitia omnes invasit, ut in preces prostrata DEUM fletibus suis expugnaverint, ut tredecim annos vitæ tuæ addiderit. Præstolabatur nempe miraculum illud sanctimonix Beatrix Nazarethana magisterium tuum; quæ tuo consortio ad supremum illum Angelicæ puritatis apicem erat provehenda. E- rigenda quoque erant ante coronam magnanima de infernali hoste trophæa: quem cum læpius signo crucis eminùs profligasses, tandem sub anis gibbosæ

gibbosæ forma obvium virili manu
 apprehendens, alapis & pedum ictibus bene saturum jussisti deinceps fanaticos ludos omittere. Urebat miserum tenebrionem tam insignis victoria, sed acrius dolebat ex ardenti charitate, quam extrahendis è peccatorum cæno sceleratis exerebas: quorum de criminibus cœlitus edocta, non prius à subeundis pro eorum conversione suppliciis spontaneis, & fundendis inter lacrymas precibus destitisti, donec iis divinam misericordiam impetravisses. Eadem charitate subveniebas detentis in ergastulo piaculari: atque ut Justitiæ Divinæ sententia in reos illos lata non mutaretur, eorum pænas in te recepisti, quas aliquando per sex hebdomadas tolerasti gravissimas. Hos inter dolores depluebant roris instar in te cœli deliciæ, quas tibi Virgo Mater frequentissimè propinabat, dum speciosum præ filiis hominum sacrati sui uteri partum tuis brachiis implicuit, jussitque cum illo diem festivum agere: à quo etiam rarissimæ felicitatis privilegium obtinuisti: ut anima tua adhuc in vita mortali eo modo cum sanctissima Trinitate per amoris influxum uniretur, quæ jam inter sidera receptæ animæ illi

T t 6 junguntur.

Demonem egregiè verberibus multat.

Sceleratos convertit.

Liberas Purgatorio animas

Cælestibus delicijs irroratur

Septem
Dona
Spiri-
tus S.
recipit.

junguntur. Aliàs dum sacro assisteres, ex sacramento Pane septem radii in cor tuum dirigebantur, qui illud totidem Divini Spiritus donis impleverunt. Adveniente tandem optatissima illa hora, qua in sponsi thalamum eras ingressura, nullo doloris sensu, sed liquescente præ lætitia spiritu suavissimè obdormivisti. Illud inter tua post obitum prodigia singulare, quod multis opitulata fueris, qui dubia tantum fide, & quasi sanctimonie tue periculum facturi tuam opem petebant. Ego nihil in fide hæsitans, tuum imploro auxilium, & humiliter tibi cor meum offero: purga illud à peccatorum maculis, accende in amore amantissimi sponsi tui, & fac ut quemadmodum tu per solum amoris somnum ex hac vita migrasti, ita & ego non alio quam Dei amore moriar.

S. BERNARDUS, s. 3. de Ascens. D.

Divini
Spiri-
tus mi-
ra vis.

Spiritus Jesu, spiritus bonus, spiritus sanctus, spiritus rectus, spiritus dulcis, spiritus principalis: Quidquid in hoc seculo nequam videtur difficile & angustum, leve facit & latum: opprobrium gaudium judicat; despectionem exaltationem esse persuadet.

☉(o)☉

12. Decem-